



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

Весе мастортнэнь пролетарийно, пурнаводо вейс!

1941 ие
ЯНВАРЕНЬ
30-це чи
11 (1307) №

ЛИСИ: 11-це ие,
12 № ковс

КУЛЬТУРНОЙ ТРУДОНТЬ КИС

«Коммунистической воспитанндо» эсь докладсонзо М. И. Калинин ялгась невтнесь, што культурностесь—те чистоплотность производсво ды бытсэ. Сон кортась:

«Представьте эстенк, ялгат, инженерэнь, вадра инженерэнь. Сон ламо тонавтнесь, образованной ломанесь, руководит заводсо, ловови питней роботникес. Зярдэ жо ютат сонзэ заводганть, то сонсь чортось пилгензэ синдсы! Ну, арази те культурность?! Бути истямо инженерэсь а неи тень, значит сонзэ еще арась самай элементарной культурностезэ, значит сон кода эряви а сэреди эсезэ заводонзо кис, эсезэ производсванзо кис».

Зярдэ минь кортатано трудовой ды технологической дисциплинаны следованиядо, материальной весе ценностнень строжайшей экономиядо, продукциянь сэрэй качествадо, то васняк минек цельтнесь ашти производсвань весе звеньятнесь ваньксинь теемась.

Минек стахановецтнэ ды ударниктне овладевают производственной культурань высокостнесь. Сынт тевет ушодовить чистоплотностень ды аккуратностень следованиянь эйстэ. Передовой стахановецтнэ аравтнить эсест роботаме таркасо истямо порядок, конань пингстэ седе шождыне покш эффект марто использовать весе оборудованианть ды инструментнэнь.

Минек масторонь знатной фрезеровщикесь Иван Гудов «Годы и минуты» эсезэ книгаонзо покш вадрасто передае стахановецтнэ чувстватнень, конат бороцить производсво ваньксинь ды порядоконть кис. Сон сэрмады:

«Минь теинек истямо порядок, што станоконть максомто проверякшнынек тумбочканть-как. Ды бути киньгак тумбочкасо арасель эсь таркасонзо ключ, то сменанть а примелинек. Истя и тонаднек тенень. Мейле мон отшлифовал весе ды красия тумбочканть ашо краскасо. Расчетось ульнесь простой: рудазов болтнэнь а путсыть ванькс тумбочкас».

Тень, мезде сэрмадсь Гудов, теить минек предприятиянесэ сядот ды тышат стахановецт, конат кеместэ бороцить культурань ды ваньксинь кис.

Но, кода а жаль, еще покш ламо предприятийва ломатне

целить ашо краскадо, сынь ваить рудазонть ды эрва кодамо хламонтэ потсэ. Неть ломатненень нать а чарькодеви, што покш проблематнень решамось покш зависит ваньксинь эйстэ.

Неть читнестэ Саранск ошонь котонинной фабрикань комсомолетнэ ютавтсть комсомольской собрания, косо основной вопросокс чинь повесткасонт аштесь трудонтень коммунистической отношениадо вопросось. Комсомолетнэ ливтизь лангс, што сынт производсво зярс еще кода эряви а явови мель роботаме тарканть ваньксинь кирдемантень. Комсомолетнэ сынь а ашти примерэкс культурной трудонть кис бороцямось. Ломатнень эсест машинаст рудазовт, валязь мусор ды хлам потсэ. Вана самай тень кувалт Обухова комсомолканть машинасонзо тейнесь пожар. Нама, бути бу Обухова мелявтоволь эсь машинанть кис алкуксонь комсомолкакс, сатышкасто урядаволь эйсэнь ды вадневель, то истямо тев аволь лисе. Собраниясонть визделгавтизь картонной пехень комсомолетнэнь, конат эзизь организова эсест цехсэ планонть топавтоманзо кис бороцямонть, ламо шкаст юты чаво, лезэвтеме.

Производсво ваньксинь кис бороцямось кармасть улеми весе комсомолонть кровной теке. Те секе, што строжайшей экономиянь кис, расточительностень каршо бороцямось ушодови производсвань весе звеньятнесь порядоконь ды ваньксинь наведениянь эйстэ. Зярс минь а ютасынек те ступенень, нельзя ули кортамэ экономной роботань хоть зяряк эффективной результатнэде, те секе, што рудазсь ды беспорядокось способствуют браконь теэмантень, оборудованианть ды инструментнэнь шкадо икеле амаштовиксэке теэмантень ды, чарькодеви, мешить экономиянь возможностенень.

Кадык эрва комсомольской коллективесь по-хозяйски ваносы эсезэ предприятиянзо, кадык эрва комсомолецсь седе серьезнойстэ варшты эсезэ роботаме таркантень ды, эсь станоконзо, машинанзо кис покш ответственностень марязь, карми бороцамо ваньксинь ды порядоконть кис.

Выставкань участникес кандидат

Степанида Ефремовна Пронькина 62 ие. Сыречинзэ лангс атак вано, сон еще шумбра ды бойка. Роботы Сабаява велесэ Куйбышев лемсэ колхозсонть.

Югась иень кизна, сюронь урядаме шкастонть тейсь 200 трудочи, норматнень топавтиль 150 процентс.

Паро роботань кис Степанида Ефремовна ламекстэ уль-

несь премировазь, примеркс: 1939 иестэ колхозось тензэ макнесь реве, ютась иестэнь премировазь мануфактурасо.

Колхозонь правлениясь Степанида Ефремовна тешкстызе 1941 иестэ велень хозяйствань Всесоюзной выставканть участникес кандидатокс.

Ф. Четайкин.
Бочкуровской р-н.

XVIII-це ПАРТКОНФЕРЕНЦИЯНТЬ ЛЕМСЭ СОЦИАЛИСТИЧЕСКОЙ СОРЕВНОВАНИЯСЬ

КОЛХОЗОНЬ ОД ЛОМАТНЕНЬ ПОДАРКАСТ

Масторсонть виевгады социалистической соревнованиясь ВКП(б)-нь XVIII-це Всесоюзной конференциянь честсь. Тень лангс ванозь, Аловской вельсоветань «1-е Мая» колхозонь од ломатне тейсть эсь ютковаст социалистической соревнованиянь договорт. Сынь мобилизовизь виест тунда видемантень анокстамонтень. Январень 16-це чис витнизь весе вельхозяйственной машинатнень. Витнесь 10 плугт, 6 саялгат ды 9 лушильникт.

Видьмекстнэ сортировазь ды образетнэ ускозь контрольно-семейной лабораторияв анализэнь тееме.

360 гектар площадь лангс кирдсть лов. Пурнасть 40 центнер кулов ды 30 центнер саразонь помет. Теде башка ускозь 60 центнер минеральной удобрият.

Куманейкин.
Атяшевский район.

КОМСОМОЛЬСКОЙ ЗВЕНА

Чукало велень колхозсонть организовазь комсомольской звена, кона специально роботы местной удобриятнэ пурнамонть ды паксав усксманть коряс.

Кемень чис звенась паксав ускс 540 улав навоз, пурнась 27 центнер кулов ды зяря саразонь помет. Сонзэ инициативанзо ды участиянзо коряс анокстась 107 центнер минеральной удобрият.

Звенась сайсь эсь лангзонзо обязательства: ВКП(б)-нь 18-це конференциянь панжоме чинть самс топавтомс модань удобриятнэ коряс колхозной планонть, анокстамс сатышка местной удобрият.

С. Тачков.
Ардатовской район.



СНИМКАСОНТЬ: Н. П. Москалев ялгась, связань Саранск ошонь конторань ды телеграфонь экспедиторось-стахановецсь.

ВКП(б)-нь XVIII-це конференциянь честсь сайсь обязательства, штобу эсь шкасто пачтнемс телеграмматнень.

Фотось Канифатьевень.

РОБОТАНЬ СТАХАНОВСКОЙ ТЕМПТ

Краснослободской МТС-нь кузнечтне П. И. Кожухин ды М. Г. Лютов ялгатне соревнуются Маланын ды Крючков кузнечтнень марто. Кожухин ды Лютов ялгатне сайнест эсь лангзост обязательства: сеялкань ды прицепной инвентарень ремонтонть прядомс 1941 иень январень 1-це чинть самс.

Сынь жо эсь обязательстваст топавтызь шкадо икеле. Вейке ковс ремонтнровасть 19 сеялка, 55 плуг, 16 культиватор. Планонь коряс весе те инвентарень ремонтнровамс эрвкшность 3 ковт.

(„Большевистская трибуна“, Краснослободской р-н).

Советской Союза

Якстере Армиянь XXIII-це годовщиантень анокстамось

Московонь Сталинской районсонть ушодовсь Якстере армиянь XXIII-це годовщиантень анокстамось. Предприятиятнесь, учреждениятнесь ды школатнесь организоваить ловномат, беседат «Якстере армиянь XXIII-це годовщиансэ» теманть коряс. Тимошенко лемсэ заводсонть панжоме выставка «Советской Союзонь героес ды маршалось Оборонань Наркомось С. К. Тимошенко». Райононь партийно-хозяйственной ды комсомольской активентэ эйстэ малав 3 тыща ломань ней ютыть военной анокстамо специальной программань коряс.

«Борец» машиностроительной заводсонть годовщианть честсь ютавтовить стрелковой соревнованият. 200 ломанде ламо овладевают лыжной спортсонть. Февралень 23-це чистэ, Якстере армиянь чистэнь, ули ютавтозь рабочейтнень ды служащейтнень торжественной заседания.

100-ТЫЩАЦЕ СОРТИРОВКА

Велень хозяйствань машиностроениянь Каганович лемсэ Гомельской заводсь поддась 100-тыщаце сортировка «Клейтон». Сон ванькскавты ды сортирови эрва кодамо кул-

175 научно-технической фильма

СССР-нь Совнаркомсо кинематографиянь тевтнень коряс комитетсь кемекстась 1941 иестэ научной ды учебно-технической фильматнень поддомонь план.

Советской наукань, техниканть ды культуранть сехте в а ж н о й достижениятнень улить посвященной 175 фильма, конатнестэ 150—звуквойть.

«Первенцы социалистической индустриализации» покш научно-популярной фильмас карми евтнеме сехте покш заводнэде ды фабрикатнэде, конат строясь сталинской пятилеткатнень иетнестэ. Интересной «Химия в народном хозяйстве» фильмас.

(ТАСС).

Комсомолецтэ беряньстэ анокстыть тунда видемантень

Неть читнестэ ульнесь ВЛКСМ-нь Ардатовской райкомонтэ пленум. Лия вопроствэ-де башка толковазель тунда видемантень анокстамосонтэ комсомольской организациятнень участиядост вопроствэ.

Райкомонтэ секретаресь Торопкин ялгась ды прениясо кортыцяне невтизь, што еще аволь весе колхозтнэва комсомолетнэ примить активной участия тунда видемантень анокстамосонтэ.

Райононтэ келес комсомолетнэнь вийсэ ютавтозь ловонь кирдема ансяк 200 гектар лангсо, паксяв ускось 850 улав навоз ды пурназь 30 центнер местной удобрения.

Трепаловка велень комсомолетнэ являть, што сынэ навозонь усксеме а кармить, што те тевес аволь сынст. Райононтэ ламо истят комсомолет, конат прядьт семилетка ды а лиснить колхозной роботас, сакшнить райкомов ды анялдыть максомс тест кодаможк баццеларской работа.

Бельвадинской комсомольской организациянь секретаресь Козин ялгась местьяк а тейни тунда видемантень анокстамонтэ коряс, эзинзе мобили-

зова комсомолетнэнь те тевентень. Те организациянь комсомолетнэ колхозонь производственной роботатнесэ участвуют пек лавшосто.

Тунда видемантень анокстамосонтэ эсь колхозонтень парсте лезды Жабинань комсомольской организациянь. Тесэ эрва комсомолетнэнь кемекстазь алаша. Комсомолетнэ паксяв ускеть 285 улав навоз, пурнасть 15 центнер саразонь помет ды 5 центнерт кулов. Ютавтсь ловонь кирдема 156 гектар лангсо.

Аволь беряньстэ роботы Редкодубской велень «Красногвардеец» колхозонь комсомольской организациянь (секретаресь Кубасов ялгась). Тосо комсомолетнэ паксяв ускеть 200 улав навоз, пурнасть 20 центнер куловт ды ютавтсь ловонь кирдема 20 гектар лангсо.

Пленумось тепкстызе, што комсомолонь райкомонтэ бюрось аволь сатышкасто руководил комсомольской организациятнень эйсэ, эзь машто мобилизовамс весе комсомолетнэнь тунда видемантень анокстамосонтэ активной участияс.

И. Антонов.

А содыть мейстэ ушодомс

Кода ансяк ушодовсь тонавтнемань ись, Козловкань педучилищасонтэ организовазель драмкружок. Васеньшкастонтэ сон бундакшнось тевс, анокстакшнось ды налкесь колмо пьесат. Ней жо вана умок уш местьяк а тейни драмкружокось. Карисесь Погодинань «Падь Серебряная» пьесанть анокстамо — мекс-бути кельмееь весе тевесь.

Школасонтэ улить гармоният, сынэ лезэвтеме аштекшнить шкапс. Кияк эзинзе марякшно сынст вайгельтнень.

Тонавтицятнень ютксо арась кодаможк культурно-массовой

робота. Дирекциясь ды комсомольской организациясь (секретаресь А. Глухов ялгась) а содыть, мейстэ ушодомс сонзэ.

Минь бу тест меревлинек: ушодыне васеньшкастонтэ драмкружоконтэ роботанзо аравтомасонтэ ды гармониятнесэ налксеме тонавтиемасонтэ. Седе тов жо тонавтицятне сынэ ёвтасызь, мезе теёмс, максодо ансяк тест седе покш инициатива. А берянь ули, бути организовамс хоровой кружок.

С. Янский.

Козловской район.

КРОССОНТЕНЬ АВОЛЬ АНОКТ

Райононтэ весемезэ ловонь 1500 комсомолет, лыжной кроссонтень жо анокстыть ансяк 350. Лыжной командатнеде организовазь ансяк 67 ды нетькак беряньстэ тренируются. Ардатовской средней школань кой-кона комсомолетнэ тренировкантэ ловить эйкакшонь кольнемакс.

Кроссонь положенианть коряс эрва участникесь должен обязательна ютамс тренировочной минимум ды максомс телень норматнень ГТО-нь значоконтэ лангс. Тесэ жо лыжной норматнень максызь ансяк 47 комсомолет, тренировочной минимум ютасть седеяк а ламо.

Пешей командатнеде организовазь ансяк кемень. Неть уш овси мезеяк а тейнить.

Общешкольной ды общерайонной соревнованиятнесэ комсомолетнэ пример эзь невате.

Весе те асатыксесь лиссь первичной комсомольской организациянь секретарятнень ды комсомолонь райкомонтэ руководителнень лавшо руководство айтэ. Сех пек эрви чумондомс ВЛКСМ-нь райкомонтэ оборонно-физкультурной комиссиянь члентнэнь ды председателть Пронин ялганть, сынэ а невтить настойчивость ды инициатива, сацтненьшканть эйсэ ды яла мезе-бути учить.

Курок ушодови кроссось. Ардатовань районсо комсомолетнэ жо тевенэ аволь анокт.

И. В. Антонов.

Ардатовской р-н.

БРИГАДИРЭНЬ КУРСТ

Ардатовской районсо аволь умок полеводческой бригадань 19 бригадир прядьт колхозной кадрань анокстамонь 10 чинь курст. Курстнэнь организовинзе районной земельной отделась.



Ардатовской районной «Большевик» газетань редакциясь сеестэ ютавтни индивидуальной ды коллективной консультацийтэ стеногазетань редактортнэнь ды редколлегиянь члентнэнь марто стеногазетань редактортнэнь Центральной заочной курсонь брошюратнень коряс.

СНИМКАСОНТЬ: «Большевик» газетань редакциянь секретаресь И. Антонов ютавты консультация рузонь келентэ коряс колхозонь стеногазетань редакторонь группа марто.

Коде тонавтицяно партиянь историянь

Минек велесэ зярны коммунист, комсомолет, учитель, шоферт, трактористт самостоятельно тонавтиць «ВЛКСМ-нь историянь краткой курсонть». Средней школань помещениасэ эрсекшнить собеседованият башка тематнень коряс. Кой-конат эйтэнек а чарьковедикс вопроствнень коряс обрацаются седе грамотной ялгатнень. Ловнокшнотано первоисточникть, газетстэ ды журналсто статьят, конат толковать ВЛКСМ-нь историянь коряс башка вопроствнень.

Минь ютавтокшнынек вете собеседованият «Браткой курсонь» васень ниле главатнень коряс.

Партийной организациясь икеле а назначакшны специальной докладчикть. Секс весе минь карминек седе парсте анокстамо. Конспектэме кияк уш эзь сакшно. Тень кувалт меельсэ кавто собеседованиянок ютасть покш активность марто.

Стенькина ды Чеснокова комсомолкатне икелень собеседованиятнесэ аштекшнить чатьмонезь, меельсэ кавтотнесэ жо сынэ тейсть а берянь сообщеният.

Ней минь анокстатано коте собеседованияс.

Партиянь историянь тонавтиемань те методось тевек пек лезды парсте чарьковедме эрва главатнень. Но эрви меремс, што кой-кона комсомолетнэ те шкас яла а роботыть эсь лангсост. Атюшкин комсомолетэсь корты, што сонтак самостоятельно тонавтиць ВЛКСМ-нь историянь, но сон кодаможк участия а примекшны ялгань собеседованиятнесэ. Меельсэ кавто собеседованиятнень эзь сакшная.

Комсомольской организациятнень эрви кармавтомс комсомолетнэнь эсест идейно-политической уровеньест кепедеманть лангсо роботамс.

С. Тачков.

Ардатовской район, Чукало веле.

Тунда видемантень анокстамосонтэ комсомольской организациятнень задачест

Минек республикань комсомолетнэ ды од ломатне колхозтнэсэ ветить покш робота тунда видемантень анокстамонтэ коряс, бороцить сень кие, штобу 1941 иестанть колхозонь паксятнэстэ саемс покш урожай.

Покш, устойчивой урожайностень кие бороцямосонтэ паро инициатива невтеть Ладской райононь «3-й съезд Советов» колхозонь комсомольской организациясь ды Пчалковской средней школань тонавтицятне ды пионертнэ. Сынэ кармасть паксясэ ловонь кирдеме ды местной удобрениянь пурнамо. Сынст примеранть подхватили зярны лия колхозонь комсомольской ды пионерской организацият.

Ардатовской районсо «Путь Ильича» колхозонь комсомолетнэ эсест собраниясо толковизь Ладской райононь «3-й съезд Советов» колхозонь комсомолетнэнь обращенияст ды омбоце чистанть жо сынэ

листь паксяв, ловонь кирдеме. Сынст лангс ванозь, ловонь кирдеме яксить колхозниктнеяк. Комсомолетнэ паксяв ускеть малав 150 тонна навоз.

«Брасный факел» колхозонь комсомолетнэ (Чамзинской район) ютавтсь ловонь кирдема 30 гектар лангсо. Сынэ активна участвуют видмэнь сортирамосонтэ.

«Большевик» колхозонь (Ельниковской район) комсомолетнэ ютавтсь ловонь кирдема 80 гектар лангсо. Покш участия примить тунда видемантень анокстамонтэ коряс весе роботатнесэ.

Ловонь кирдеме яксить ды пурныть местной удобреният Николайевкань школань тонавтицятне (Саранской район) ды Ст.-Девической школань тонавтицятне (Ельниковской район).

Но улить ВЛКСМ-нь истят райкомт ды первичной организацият, конат эзизь чарьковедсэнь, кодамо значенияст лонь

вонь кирдеманть ды местной удобрениятнень покш урожаянтэ кие бороцямосонтэ.

Пурдошанской районсо ансяк 3—4 комсомольской первичной организацият толковизь Ладской райононь «3-й съезд Советов» колхозонь комсомолетнэнь обращенияст. Пурдошанской районсо ловонь кирдеманть ды паксяв местной удобрениянь ливтиеманть особенна покш значениясто, секс, што райононтэ малав весе модатне супесчаннойть, сынст ламо эрви навозной удобрения. Комсомолонь райкомось должен бу весе комсомолетнэнь мобилизовамс местной удобрениянь пурнамо ды паксяв навозонь усксеме. Но сонтенэ эзизе тее. А ведь райкомонтэ роботниктне малав эрва чистэ пажнить тунда видемантень анокстамодо. Мезе лезэст неть чаво кортамонтень, бути райононтэ комсомолетнэ аштить ве ёно тунда видемантень анокстамонтэ айтэ?

Комсомольской зярны организацият а видестэ чарьковедсэнь задачест тунда видемантень анокстамонтэ коряс. Сынэ ловить: эрва комсомолетнэ

пельде саты сеяк, што сон сонсь яки ловонь кирдеме или пурны ды паксяв ускси местной удобрения. Эрви добовамс сень, штобу те тевентень тундаволь аволь союзной од ломатнеяк, колхозниктнеяк. Ансяк сестэ кармить улемс покш результатт. Комсомольской организациятнень сьёкамонзо келейстэ а ютавтови ловонь кирдемаськак, местной удобрениянь пурнамоськак. Те тевсэнтэ комсомолетнэ должны улемс аволь ансяк инициаторокс, сынст истяжо эрви улемс массатнень организатороксак.

А виде сеяк, бути ютавтиемс ансяк ловонь кирдема ды местной удобрениянь пурнамо.

Тунда видемантень анокстамонтэ коряс роботатнеде ламо: инвентарень ды сруень ремонтось, видметнень сортовамось, алашатнень анокстамось, вийтнень явшемась ды лият.

Неть вопроствнэнь перька колхозной комсомольской организациятне должны организовамс эсь роботаст.

Комсомолетнэ должны проявить покш забота колхозной алашатнень кие. Паро ули, бу-

ти комсомольской организациятне явить комсомолетт конюхокс. Конюхтнень ютксо организовамс сеп. соревнованият алашатнень мельга ухондоть вад-рылгавтоманзо кие.

Комсомольской организациятне должны лездемс колхозтнэнь плугарень, прицепикнень, сеяльщикнень анокстамонтэ коряс. Эрви теёмс сень, штобу колхозной производствань неть специалистэ парсте кармавольть содамо эсь тевест ды примавольть бу участия инвентарень ремонтсонтэ.

Можна ды эрви организовамс сень, штобу колхозонь бригадиртнэ, звеньеводтнэ ды колхозниктне кармавольть тонавтиеме велень хозяйствань передовиктнень опытэст ды те опытанть кармавольть тевс ютавтомс эсь роботасост.

ВЛКСМ-нь XVIII-це конференциянь панжома чинть комсомолетнэ должны вастомс тунда видемантень анокстамонь коряс покш, паро показател марто.

Н. Славкин.

ВЛКСМ-нь Мордовской обкомсо крестьянской од ломанень отделанть заведующей.

ЭЙКАКШОНЬ ЛИТЕРАТУРНОЙ СТРАНИЦА

ВЕРБЛЮД ДЫ ШАКАЛ

Негритянской ёвкс

Вейсэ эрясть верблюд ды шакал. Шакалось ульнесь пек кольница ды вечкиль дразне-шнемс верблюдонть.

Весть шакалось ды верблюдось молюсь леев. Верблюдось тосо венемсь чувто алов ды матедевсь. А шакалось кармась леевть чирева кунсеме крабт ды сынт пореме.

Зядро шакалось сэвинзе ве-се крабтнень, сон арсезевсь: «Крабт тесэ больше арасть, а монь пекем еще эзь пешкеде. Оно тона берексонть крабт ламо. Ансяк мон уме а маштан. Ну, те мезеяк араськак, верблюдось парсте машты укшно-мо».

Сон ардсь верблюдонть вакс ды стявтызе сонзэ:

— Стяк, верблюд, ады сахарной тростникте ясамо.

Верблюдось, кодак ансяк маризе «сахарной» валонть, стясь пилге ланге ды пижакадсь:

— Молян, молян!

— Эр мольдано, мон невь-са теть, косо касы пек ламба-мо сахарной тростник. Тон ансяк оавтомак мон эсэть ланге: миненек эряви умс леев трокс.

— Ладна, — мерсь верблюдось, — озац уйдыно.

Шакалось кузсь верблюдонть ланге, ды куроосто сын ульнесь уш леевть омбоке берёксо. Тосо шакалось невинзе верблюдонть, косо кась сахарной тростник, сонсь жо ардозь тусь крабонь вешнеме.

Весе содыть: верблюдось — животное покш, а шакалось — вишкине. Верблюдось яры састо ды аволь курок пешке-декши пекезэ, шакалось жо капшазь порсь крабтнеде пе-кензэ пешкедемс, ды сон санзе мелензэ седе курок туемс кудов.

Сонзэ арасель мелезэ уч-немс, зядро верблюдось ярасви пекезэ пешкедемс. Ды реши-зе сон теемс мартоно шулка, панемс сонзэ тростниконть эй-ста. Тусь шакалось паксинь кедес ардозь ды кармась весе вайгельсэ морамо ды ракамо.

Ломатне маризь, пек тандадсь

ды лиссть палка ды кев мар-то, штобу панемс шакалонть. Но шакалось оргодсь. Тесэ ло-матне неизь, кода верблюдось пори сынт тростникест. Сын каявсть верблюдонть ланге ды пек чавизь сонзэ.

Зядро ломатне тусть, шака-лось мекев сась, молюсь верб-людонть ды, прок мезеяк а содык, кевкстизе сонзэ:

— Тон а сырсят кудов?

— Тон берянт ягась, — мерсь верблюдось. — Тон свал маньшат эйсэнь. Ды тон пек кольницят. Свал тон морат ды ракат, а мейле орголят. Ней-как вана истя: ломатне састь ды пелекулыкскэ мон чави-мизь, а тонеть яла теке. Мейсь тон свал истят шуткат тей-нят?

— Мон монськак а содан, — кежейстэ мерсь шакалось. — Мон свал ракась ды морсян обедэ мейле.

— Ах, вана кода! — мерсь верблюдось. — Ну, паре, ады ней кудов.

Верблюдось таго озавтызе шакалонть эсензэ сядикс ланге ды тусь лейганть уме.

Леевть куншкас сон сайсь ды лоткась.

— Мезе теевсь? — кевкстизе шакалось.

— А мон монськак а содан, — пейдэзь отвечась верблюдось.

— Но монень сась мень-бути мель метялкот велявтомс.

— Иля, иля, а эряви! — тан-дадсь шакалось. — Мон а маш-тан укшномо. Мон ваян. Мейсь теть метялкот велявтомс?

— А мон а содан мейсь, — мерсь верблюдось. — Мон свал метялкот велявтекшиян обе-дамодо мейле.

Ды сон ёртызе шакалонть ведентень.

Шакалось ваясь, верблюдось жо шумбрасо-паросто сась ку-дов.

— Мазый прине атакше, ады мартон эрямо, ады кудо тейдано.

— Мон кузян жердине ланге, тосояк а кельман, — мерсь атак-шось.

Кияк эзь моле каткиненъ марто. Палакскэ стявсь, ун-довкскэ вельтась ды аноколь каткиненъ кудозо. Совась сон эйзэнзэ, мадсь лембе таркинес ды мурны.

Сась теле. Читне якшавть. Ардти букине, вансы — кудо. Совась тов. Тосо эри катки-несь ды кармась букинесь тен-зэ энялдомо:

— Нолдамак, каткине, эря-мо.

— Тон мерить олгине ланг-скак мадят, тосояк а кельмат.

— Нолдамак, эрге сельме катка, ато потан-потан кеч-кердян ды кудынеткак ся-вори.

Савсь нолдамс.

Сась каткиненъ энялдомо бараноськак:

— Каткине а каткине, нол-дамак эрямо.

Дедам ды мон

Украинской народной ёвкс

Молинь мон дедаць марто вивев пенге. Сестэ дедам еще вишкнелъ, а тетям овси эзь ульне масторонть лангсо. Мон эцинь роштя юткс, а тосто верьгиз: скрелъ! Мон тов, а тосо сисем алт! Саинек минь сетне алтнень, усгине кудов ды путынек туво алов. Ды вот нарвась тувоь кото букат ды вейке бугай. А букатне кодат парт! Молине минь неть бу-катнесэ паксинь сокамо. Соки-нек колмо чить ды колмо веть, ды сокине минь истянь, зяро сельмсэ неемс можна ульнесь: вана истянь ули, зяро таркась тонь эйстэ монь видсь, ды по-жалуй, аламодо еще шашт.

Кода видинек минь скоро ды кода карминек нуеманзо! Нуи-нек, нуинек, да и пурнынек пела пулт. А кода карминек минь усксеме!.. Усксине, ус-ксине, ды а содылинек, ков сонзэ теемскак: истяламо, што козоньгак а кельгствияк. Саи-нек минь се пултонть ды каш-том ланге путынек. Фа-тясть чеертне, што каштом лангсо пулт, — сын тов. Порсть-порсть сын эйсэнзэ, порсть-порсть, ды правтысь се пул-тонть рудазов ведрас. Таргине минь се пултонть ведрастонть, костинек ды карминек пивсэ-манзо.

А тынь содатадо, зяро зерна пивсынек! Эх, кода ламо! Ште-ресэ пелинек колмо ямат ды весе сынт зернадо пештинек!

А. Барто.

ФОНАРНЕ

Толтомояк паро тень —

Ули а покш фонарне.

Лангзонзэ чить варштак —

А неяви мезеяк.

Бути чокшне варштак тов —

Сонзэ эйсэ пиже тол.

Банкинес те тикше юткс

Истя путынь валдо сукс.

— Тон при шныть — лангсот шубат лембе, истяккак а кель-мат.

— Ванок, каткине, иля ма-няво, — корты баранось, — нол-дамак парсо, а то потан-потан, кодак тостяян, кудот сявори.

— Ну, эно, совак.

Крюкнозь сась тувоськак.

— Нолдамак, каткине, ку-дозот.

— Тон мерить сокарязгак а кельмат.

— Ванок, каткине, мон со-карясынъ завалянат — тонськак кельмат.

— Ну, эно, совак.

Чинь-кавтонъ ютазь сась га-лась ды, кирганзо венстязь, корты:

— Каткине а каткине, нол-дамак эжнеме.

— Тон мерить истяккак а кельмат.

— Ванок, катка, таркесынъ нупонтнень ды карми варма вешкеме кудосот, тонськак кельмат.

— Ну, совак сестэ, коли истямат.

Сех мейле сась атакшось.

Молюсь вальмалов, моразевсь

ПЕНЧТЬ

Я. Тайц.

Те ульнесь умок. Мон сестэ служинь Якстере армиясо. Мон ульнесь пенчем. Пароль пенчесь — укшторонь, мазыл-гавтнесь, лакировазь. Весемень вадрыльть пенчест, монсесь жо весе ротасонть сехте вад-рыль.

Вана завятядо мейле кар-мась налксемс трубась:

Туру — туру,

Туту — ту...

Минек койсэ мерезь, те ва-на мезе:

Сайтя пенч тон, сайтя бак,

А саят — яраск истяк...

Дежурноеь максь команда:

— Стядо стройс — обедамо!

Весе минек ротась — мон,

Иванов, Петров, Сидоров, Ку-ликов ды лият, — весе стройсэ

туннек столовое.

Столовойсэнь лембе ды ка-чады тантей чине. Столтынь лангсо — ям марто баккетъ, кши

марто подвост, порция марто мискат. Я монъ явшицяне

сайть половникъ. Пси, куя

ям кайсить мискатненень. Ве-се таргизь пенчест. Монгак

кеденъ ёкстынь зепезэнь. Ко-со жо монь пенчем? Мон, кап-шазь, сокаринъ весе зепень.

Арась монь пенчем! Чинь казармав, вешнян тумбочкасто: эзь муеве пенчем!

— Командирэсь корты:

— Обедэ мейле молят ошов,

рамад пенч. Молинь ды ра-минь чайной пенч.

Чокшне трубась кармась тер-деме ужином:

Туру — туру,

Туту — ту...

Тусь ротась моразь столо-воев. А монь морамскак мелем

арась. Карминь мон эсэнъ чай-нойсэнь амоямо — ракамо ке-петель. Амоян, амоян, кедем-гак сизесь, мискастонть ямось

жо яла эзь а ламолга-до. Аволь ужинав, теке мерят

надобия симан. Весе умок уш

тусь, а мон яла аштян, чай-ной пенчсэнь коршан.

Казармасо цэратне кортыть:

— Беряньгадыть тон пенч-теме.

— Саты тенк пеелемс.

Монь кежень састь ды мо-линъ командирской столовоев. Тосо командиртнэ ужинить. Неимим монь минек команди-ресь:

— Ну кода, те шкас яла пенчтемат?

— Пенчтеман, командир

ялгай!

Ды молинь мон главной

шеф-поваронть:

— Эх, зяро тынк пен-ченк! — мерян. — Дайка тонь

вейке... Емавтыя мон эсен-сэнь...

Шеф-поварось дивн:

— Менъ те истямонъ тев!

Весе емавтитъ пеншест! Меель-сэнь максса, больше илядо

кевкстнеяк!

Мон веселгадозь, чпезь туинь

ленуголоков шахматсо налксе-ме. Вана ваксозон сась Ива-нов:

— А мон тонь эйсэ вешнян!

Саик! — Сон таргась зепстэнзэ

пенш. — Вешня поваронть кедь-стэ, койкак максызе.

Мон саян пенчентъ.

— Пасиб! Эзик стувто ял-гаты!

Ды пурныя пенчентъ тум-бочкас. Мейле сась тень Пет-ров:

— На, брат, справак седе.

Мания поваронть кедьстэ! —

ды максь тень пенч.

Ансяк кенеринь тумбочкас

путомонзо, чийсь Сидоров:

— Мироська, мон теть пенч

муинь! Главной поваронть

кедьстэ! Саик!

Мон саян. Сась Куликов:

— Кишть! Мон теть пенч

кандынъ! — ды венетась тень

пенч.

Поверкадо мейле сась минек

командирэсь. Сон тердимим

монь ды мерсь:

— Тонь пенчеть арась, те

аволь вадра! — Сон панжизе

сумканзо ды таргась мазый,

покш пенч. — Кудосто сонзэ

туия, ванок монь Нинтенъ иля

ёвта...

Пурнынъ мон пела тумбоч-ка

пенчть. Натой а содангак,

ков сынт теемс. Яксян мон

мартост ды морсян.

КАТКИНЕ

Чачсь-кась каткине. Понгсь

сон вирьс. Яки-паки тува, кос-тояк эстензэ эряме тарка а

муи. Думась-тейсь сон кудонъ

путомо. Тусь эстензэ ялгань

вешнеме. Молюсь букиненень

ды мери:

— Букине а букине, ады

вейсэ кудо путтано.

— Мон олгине лангсоак

удан, — паразевсь букинесь.

Молюсь каткинес бараннень.

— Баран а баран, ады мар-тон

кудонъ путомо.

— Монь шубам лембе, ис-тяккак а кельман.

Тусь каткинес ардозь. Вастсь

туво.

— Туво а туво, курок теле

сы, ады вейсэ кудо стявтане-кепедтано.

— Мон нерьсэнъ сокарязгак а кельман, — мерсь тувоь.

Тусь каткинес галанень:

— Гала а гала, ады кудо

тейдано.

— Монень истяккак лембе,

калгазгак а кельман.

Ардеь-ардеь каткинес, вастсь

атякш.

Ю Н К О Р О Н Ь С Е Р М А Т

ТОСО, КОСО
ВОЖАТОЕСЬ
КУЗОВАТКИНА
ЯЛГАСЬ...

Кузоваткина ялгась — Пермизь велень аволь полной средней школасо пионерской организации старшей вожатой. Еще мезе можна ёвтамс сонз кувалт? Вана мезе: Кузоваткина ялганть чумонзо коряс пионерской организации малав овси а роботы.

Зярд, кодамо звенасо ульнесь меельце сборось — Кузоваткина ялгась а соды, секс, што пионерской сбортне кодабути уш стувовомо кармасть. А эрсекишнить кодатяк налксемат, арась организовазь пионертинь художественной самодетельность.

Комсомольской организации а лезды пионерской организации, сон а топавты ВЛКСМ-нь ЦК-нть указаниянзо пионерской роботанть вадрягавтомадо.

К. Меньякин.

Б.-Березниковской район.

Сезить кинь
тееманть

— Ансяк колонгемень вете процентс... Ков те истя маштови? Эряви нейке жо кепедемс темпатнень... Вот и весе, — истя прядызе эсь выступлениянзо Мокшалай велень исполкомонь председателесь велень советань депутатнень ды активень заседаниясо.

Сон истя кортась кинь строямодонть. Те истя сынст велесанть ансяк 35 процентс топавтозь кинь строямонь планось.

Велень советась ды колхозонь правлениясь кинь строямонь коряс весе теветень кемизь бригадирэнтень Салдакин ялганть ды десятникентень Дораев ялганть. Сынсь жо не интересуются сень эйсэ, мекс лавшосто мольсь кинь строямось. П. Щекин.

Чамзинской район.

ПАРО ПИСЬМОНОСЕЦ

Светкин Коля колмоце не роботы Майдан велень «Сятко» колхозсонть письмоносецекс. Эрява чиста сон шкастонзо кантлекшни серматнень ды подписчиктнень газетатнень.

Теде башка, сон покш робота ютавтни газетс подпискань тееманть коряс. Секскак велесанть малав эрява кудосо получить газетат ды журналт. Улит зяря истят колхозникть, конат выписывают 2—3 газетат.

Паро работань кис Коля лмоксть ульнесь премировазь. Н. Канаев.

Кочкуровской район.

КОВ ЕМАСЬ БИБЛИОТЕКАСЬ

Минек колхозонть ули эсензэ библиотеказо. Библиотекась аволь вишкине ды вадря, парт улит эйсэнзэ книгат.

Ансяк меельце шкастонть апак учо ёмась те библиотекась. Колхозникть, од ломать якить книга мельга ды костюк меньгак пе а муить.

Штобу стяко сын авольте ёматне шка библиотекань вешнеманть, минь ёвтасынек косо сон.

Ули минек велесанть клубонь заведующей. Фамилиязо сонзэ — Учайкин. Библиотекань книгатнеяк ульнесь клубсонть. Сестэ жо, зардо клубонть пеш-

тизь колхозной сюрдо, Учайкин ялгась весе книгатнень саинзе эсензэ кудов. Те шкаскак сын тоско усксвить. Бутки кинень эряви ловномс книга, кадык моли Учайкин ялганть ды энялды тензэ.

Виде, минь якинек тензэ ды кармсинек энялдомо, сон панимизь, мерсь тенек:

— Монь кудось тенк аволь библиотека...

Секень вант сон лиятненьгак истя мери.

Н. Канаев, Н. Светкин, Н. Иванов.

Кочкуровской район, Майдан веле, «Сятко» колхоз.



Саранской Центральной библиотекань читальной залсонть.

Фотось А. Канифатьевень.

Кино

«ТРИ ТОВАРИЩА»

Меельце читнестэ Сарансконь кинотеатрасо демонстрируется Ленфильмань «Три товарища» кино-комедиясь. Картинась сюжетэс сазь нееньшкань минек советской граждантнень эрява чинь эрямостонть.

Колмо ялгат: Захар Лапис, Василий Глинка, Михаил Зайцев гражданской воинанть пингстэ вейсэ турсть фронтнэс. Лапис ды Глинка неень шкасто роботыть таго вейке таркасо — ответственной хозяйственной роботасо. Лапис — лесосплавонь начальникекс, Глинка — бумажной фабрикань директорокс. Вана виртнень пачк сынст тарканть пелев арды пассажирской поезд. Те поезданть роскошной купэс сась тей Михаил Зайцев ялгасть, кона тезень ульнесь кучозь одс строявица бумстроень начальникекс. Ялгатне лембестэ вастызь Зайцевень. Колмонест уставасть роботамо общей роботасо. Эрь-

ванть роботазо сюлмавозель омбоценть марто.

Теде мейле фильмасонть неветить колмонест ялгатне эсест эрява чинь роботасост, семейной эрямост. Зрителентень вичкеви Захар. Сон скромной, деловой, а вечки чаво кортамот, шожда изнякст. Сон — Советской паро хозяйственник. Вирень сплавонь сезононть шкасто брудявсь леенть трокс сплавленной вирес. Тевтне ульнесь брать: бумажной фабриканть грозась срыв. Лапис прими деловой решения: сеземс сэденть. Садесь сезезель, сплавось тусь. Теньсэ Лапис ванстась сядот тышат целковой масторонть туртов, а садесь аштесь 22 тыща, кона ульнесь бойкасто теэзь одс.

Василий Глинка — сангвиникень тип. Сонзэ движениянзо лангсо вайгельсэ рахить зрительтне. Но Глинка заботливой хозяйственник. Чить, веть — роботасо, удомстоек те-

лефонозо ваксонзо. Теке шкастонть Глинка живой ломань, вадря семьянин, вечксы козейканзо, но понгони козейканзо коряс стяконь ревность.


Овси лияль Зайцев. Зайцев вечки гримасань тейнеманть, легкомысленной аватненень сельмсэ конштнеманть, старай блеснуть эсензэ «способностнэсэ». Сеске, вастомодо мейле, Зайцев теи любовной интригат Лаписань козейканзо — Ирина марто. Ирина эйтэ зрительсэ неи ташто шкань типень кондамо легкомысленной мешанка. Сон вечки роскошной эрямо, штобу мирдэза кадовлизе весе теветнэ, аштевель сонзэ ваксо, кольневтневель эйсэнзэ. Ирина туи Зайцевнень эрямо. Зайцев пек вечксы славанть, шожда изнякстнень. Вети эсь перьянзо семейственность, теи эрява косо блат. Зайцев капшавты бумстроень строительстванть, штооу шнавлизь рекорднй строямонть кис. Зяря раз те сонензэ удалакшноеь. Вирь марто поездэс молил бумфабрикав — Глинканень, Зайцев жо блат вельде

добился сень, што станциясто сазь составонть эсензэ строительстванть. Бумажной фабрикась жо кадовкшнось сыр-явтомо. Зайцев блат вельде усксь эрява кодамо сырь, кона мик сонензэ овси а эряви-як, кода паркетной пол, но лиясо тень коряс а сатыль сыр-ясь.

«Три товарища» фильмань автортне зрительтне кармавтыть раксеме, нарьгамо а маштовикс нравтнень, наксадо при-выкатнень, конат чуждойть минек общественностентень. Зрительсэ раки семейной отношениянень легкомысленной Иринань. Пеедькшни суетливой, стяконь кис ревнивой Глинкан. Ды сехте пек кейжистэ раксев, нарьгави блатникесь Зайцев, кона тень коряс педес-пес оскандалился ды панезь роботастояк. Минек ютксо блатонь вечкиятнеде еще яла улит ды вана неть типтнень спена лангсо неветмась, разоблачениясь ашти «Три товарища» кино-комедиянь автортнень заслугакс.

В. Столбов.

ГРАНИЦАНЬ ТОМБАЛЕ



СНИМКАСОНТЬ: Итальянской военной покш портось Триполесь ве ёндо ваномсто.

Фотось ТАСС-нь.

АНГЛО-ГЕРМАНСКОЙ ВОЙНАСОНТЬ
ТЕЕВСЬ СЭТЬМЕ

Англо-германской воздушной войнасонть теевезь сатьмесь яла моли. Уш 7 веть меельце Лондонсо арасель яволявтозь вейкеяк воздушной тревога. Арсит, што те сатьменть причинах аштит берань метео-

рологической условиятне. Английской бомбардировочной авиациянть операциянзо те шканть перть ульнесь истяжо пек ограничонить.

(ТАСС).

РУМЫНИЯСО ПОЛОЖЕНИЯСЬ

Юнайтед Пресс агентствась пачти, што румынской армиянть отрядтне якить Бухарестань улиятнева, кевкстнись весе ютницятнень пельде неветмс личностень удостоверенияст. Солдатонь отрядтне тейнить кудотнэсэ обыскт сень кис, штобу содамс эзь участнисясонть. Эрява железнодорожнэсэ, кона понги кедьсэнзэ оружия марто, тейневи смертной приговор. Остатка железнодорожнэсэ, восстаньянть участниктне, пекстневить тюрьмас.

Румынской газетатнесэ публиковазь правительственной сообщения легионерской централнэсэ теезь обысктнеде. Сообщениясонть неветневи, што январень 26-це чинть самс матежиктнень кедьстэ ульнесь сазь 39 пулемет, 666 винтовка, 2.844 охотничей ружия, 1.964 револьвер, 128 карабин, ды истя жо 70 грузовик имущества марто, конань саккшнлизь легионертнэ.

«Нью-Йорк таймс» американской газетанть сообщенианзо коряс, Румыниясо беспорядконтнень шкастонть теезь убытка зяря миллиард леяс. Сехте пек пострадали нефтепромыслатне.

(ТАСС).

СИЛЕЗИАНТЬ КАВТО
ПРОВИНЦИЯС ЯВОМАЗО

Германиясо публиковазь правительственной распоряжения Верхней Силезия ды Нижней Силезия провинциянть образованиядо.

Силезиянть кавто провинцияс явомазо, пачти германской информационной бюрось, толковави те областсэнтэ государственной управлениянть стажисанть, секс што ташто Силезской районтнень вейсандамодост мейле те областсэнтэ лововить малав 7.500 тыща эрица.

(ТАСС).

Ответственной редакторось А. ЩЕГЛОВ.